



## SIARAN AKHBAR

Kementerian Kebudayaan Belia dan Sukan mengadakan majlis makan malam bagi mengalu-alukan rombongan Republik Uzbekistan pada malam Selasa, 13 September 2011 bertempat di Rizqun International Hotel, Gadong. Majlis makan malam tersebut diberikan oleh Yang Mulia Dato Paduka Haji Mohd Hamid bin Haji Mohd Ja'afar, Setiausaha Tetap di Kementerian Kebudayaan Belia dan Sukan. Majlis dihadiri oleh Tuan Yang Terutama Akhmedov Bakhodir Majidovich, Timbalan Menteri Kebudayaan dan Sukan Republik Uzbekistan, Tuan Yang Terutama Dr. Sabitov Shukur, Duta Besar Republik Uzbekistan ke Negara Brunei Darussalam, pegawai-pegawai kanan dari Republik Uzbekistan dan Kementerian Kebudayaan Belia dan Sukan, dan rombongan kebudayaan SATO, Republik Uzbekistan.

Rombongan tersebut berada di Negara Brunei Darussalam mulai 11-14 September 2011 bagi mengadakan persembahan kebudayaan bertajuk 'THE CULTURAL PRESENTATION OF UZBEKISTAN'. Persembahan Gala telah diadakan pada 12 September 2011 bertempat di Dewan Digadong, Kementerian Kebudayaan Belia dan Sukan dan disaksikan oleh Yang Berhormat Menteri Kebudayaan Belia dan Sukan, selaku Tetamu Kehormat majlis, Tuan Yang Terutama Timbalan Menteri Kebudayaan dan Sukan Republik Uzbekistan, Tuan Yang Terutama Duta Besar Republik Uzbekistan ke Negara Brunei Darussalam, Duta-Duta Asing dan Perwakilan Tetap di Negara Brunei Darussalam, Setiausaha Tetap di Kementerian Kebudayaan Belia dan Sukan, serta Pegawai dan kakitangan dari Kementerian Kebudayaan Belia dan Sukan.

Persembahan kebudayaan ini juga telah dibukakan untuk tontonan orang ramai pada 13 September 2011 bertempat di ruang lobi utama The Mall, Gadong. Selain mengadakan persembahan, rombongan dari Uzbekistan juga berkesempatan mengadakan lawatan ke Muzium Teknologi Melayu, Kota Batu; Galeri Seni serta Masjid Sultan Omar 'Ali Saifuddien, Bandar Seri Begawan.

Persembahan kebudayaan tersebut telah memberi peluang kepada orang ramai untuk melihat secara lebih dekat lagi tentang seni dan budaya Republik Uzbekistan. Ini merupakan kali pertama Republik Uzbekistan mengadakan persembahan kebudayaan di Negara Brunei Darussalam. Persembahan ini bertujuan untuk memperkenalkan kepada para penduduk Negara Brunei Darussalam tentang Republik Uzbekistan melalui seni dan budaya, dan untuk mengeratkan lagi hubungan baik yang telah dijalinan di antara kedua-dua buah negara.

Dikeluarkan oleh:

**Kementerian Kebudayaan, Belia dan Sukan**

Tarikh : 15 Syawal 1432 / 13 September 2011

